

# Jungfräiske Mäinskup

## Setten



### § 1 nóóm un stē

1. Däi feräien häit't fan Jungfräiske Mäinskup.
2. Häi sal in d' liest fan feräinen insgrēven worden un däi bīnóóm "i.f." hebben.
3. Däi feräien sit't in Timmel.

### § 2 sin fan d' feräien

1. Däi sin fan d' feräien is dat f'rūt helpen fan d' mäintküen öwer d' fräisk kultüer un dat daun fan d' fräisk selskup, f'rdan döör 't ferkloren un döör 't taulēren bī d' folk net as döör 't anhöólen fan 't folk. In 't mik bünt dat bīhollen un dat grājen lóóten fan 't fräisk kultūr- und selskupsārvdaum in däi Fräislân, f'rdan Öst-Fräisland. Däi feräien is in sīn wēswārk altīd föör frēdelk daun manken däi folken un tolerans. Dat ütbüüten manken däi Fräisen stājt d'r bī häil böven.
2. Däi feräien dājt blōt wārk, dat mit däi stē 'stürbatsk bīkumst' fan d' stürenörder tauhōp pās is. Däi feräien dājt sīn wēswārk näit föör sük sülst; häi wil d'r ġīn geld bī móóken. Däi feräien sīn geld dürt näit föör wat ütdaun worden wat dat setten näit tau let't. Däi lēden krīgent näit man sō geld fan d' feräien. Ģīn äien dürt wat krīgent dat, sünner bat föör däi feräien is of in óóküen, ütdaun word't.

### § 3 lidskup

1. Elk äien, fan natüer of fan 't wet hēr, kan lid worden.
2. Of äien lid word't, undsgäident däi bóósen nóódēm äien 't sgrīvend anfragt het. Bī óónüümerġkaid maut 'n rampelsant fööer 't wet anfróógen.
3. Wil äien fan d' feräien ütsġājen, kan äien dat altīd bit äen fan 't löpend klennerjoer hentau daun. Dat äien dat wil maut äien däi feräien as sgrīvens ferkloren.
4. 'N lid kan fan däi feräien ütsġājt worden, wen sīn daun tēgen dat is wat däi feräien in 't mik het. Of äien ütsġājt undsgēd't dan dat fergardern fan däi lēden.

5. Däi lidskup kumt tau 'n äen wen 'n lid ōwerlid't; bī lēden fan 't wet hēr mit dat taugēven.
6. Het 'n lid ūtsġājt, het dat ġīn rechten up 't geld fan d' feräien.

#### § 4 lidpârt un kentōrsjoer

1. Um dat däi feräien sīn wārک achter tau góón kan, böört häi fan elk lid sīn pârt as geld. D'r ōwer wō fööl un tau wenhēr disse pärten bītóolt worden mautent, undsġed't dat fergardern fan däi lēden. Kentōrsjoer is dat lōpend klennerjoer.

#### § 5 bóósen

1. Däi häiel bóósen bünt updäilt in d' êrst bóós, twäied bóós, pungholler un sġrīverbóós. Wat fērer höörent d'r ōk no drei mäien lēden tau d' bóósen.
2. Däi bóósen nóó § 26 BGB bünt däi êrst bóós un däi twäied bóós tauhōp. Elk äien d'r fan is fööer 't wet rampelsant föör däi feräien.
3. Däi bóósen wordent fan 't fergardern fan däi lēden föör twei joer köört, man däi oel bóósen blīvent d'r sō lang an, bit d'r fan näjs köört worden is.

#### § 6 fergardern fan d' lēden

1. Dat ræcht fergardern fan d' lēden geböört insent in 't joer. Bütendēm mautent däi lēden sūk fergardern wen 't in d' sin fan d' feräien is of wen up mienst 'n taintel pârt fan d' lēden dat, mit sġrīvend ansäegen fan d' sin, wil.
2. Fööer elk fergardern fan d' lēden hebbent däi bóósen twei wēken fööerdēm mit 'n sġrēven böskup un 'n fergardernsferlōp tau nöyġen.
3. Lāider fan 't fergardern is däi êrst bóós, man sul däi d'r näit wēsen is 't däi twäied bóós. Man anners kan fan dat fergardern fan däi lēden ōk 'n rampelsant as läider ūtköört worden. Wen däi sġrīverbóós d'r näit is kan dat d'r net sō geböören.
4. Elk ræcht fergardern fan d' lēden kan ōk wat bīslūten.
5. Wat up 't fergardern fan d' lēden undsġed't word, is bīslōten dō däi mäisten dat willent. Sal dat setten of däi sin fan d' feräien umsġrēven worden, mautent drei kertæær fan d' lēden dat willen. Blōt ofgēven stemmen tellent.
6. Ōwer dat wat up 't fergardern fan d' lēden bīslōten word't maut 'n prōtekol ofnōmen worden. Däi läider fan 't fergardern un däi sġrīverbóós mautent up 't äen höör täikens unner 't prōtekol setten.

## § 7 däi d' rēkens nóókikt

1. Dat fergardern fan d' lēden köört föör twei joer äien däi d' rēkens nóókikt, man däi dürt näit lid bī d' bóosen wēsen. Dat däi nóó twei joer wēr fan näjs ūtköört word't, is ferlōf gēven.

## § 8 taugēven un achter lóóten fan d' feräien sīn geld

1. Um dat däi feräien taugēven worden kan, mautent up minst fær fifdel fan d' lēden d'r mit föör wēsen. Blōt ofgēven stemmen tellent.
2. Wen däi feräien taugēven word't, häi näit mēr nüümerġ is of däi 'stürbatsk bīkumst' weġfält, gājt däi feräien sīn geld an däi 'Seelter Búund'. Däi het dat geld dan nóó d' sin fan sīn setten tau brūken.